



SVJETLOST ZNANJA

BROJ 2.

***MART 2016. GODINE
GORAŽDE***

PRIPREMA: UMMU HARUN J.

Selam alejkum!

Dobrodošli!

Skup tekstova iz različitih oblasti.

Sakupljeno znanje islamskih učenjaka.

Ne kopiramo druge web sajtove/portale/stranice

i znanje isključivo uzimamo samo iz pouzdanih knjiga.

ISLAMSKA DIGITALNA KNJIGA SVJETLOST ZNANJA

Ummu Harun J.

Mart , 2016, Goražde

Izdavač online digitalne vezije: Svjetlost znanja

<http://svjetlostznanja.wordpress.com>

KONTAKT:

svjetlostznanja@gmail.com

Vaš

Svjetlost znanja

UMMU HARUN J.

SADRŽAJ:

- PREDGOVOR.....10
- UMMU HARUN J.....12

- DOBROVOLJNO DARIVANJE KRVI I DARIVANJE
ORGANA NAKON SMRTI



*kakav je stav islama o dobrovoljnom davanju krvi i darivanju
organa nakon smrti.....13*

- KO SU VEHABIJE



Molim vas, objasnite mi ko su vehabije,.....15

- MAJKA



*Majka! Od zida do zida, od vrata do peći, od ručka do večere,
od jeseni do proljeća, u zidovima, među četiri zida, uzidan, te-
kao je nelijep ženski život.....17*

- KUPANJE ZA VRIJEME POSTA



Kupanje za vrijeme posta nije problematično.....20

- KAKO JE HOLANDANIN BENJAMIN PREŠAO NA
ISLAM?




Cijelu mladost proveo sam u kršćanskoj školi i čudilo me je da su uvijek obožavali Isaa (Isusa). To me je uvijek mučilo jer za mene je Isa bio poslanik, a ne Bog, niti sin Božiji.....21

• **UČITE KUR'AN JER ĆE ON DOĆI NA SUDNJEM DANU DA SE ZAUZIMA**



Učite Kur'an jer će on doći na Sudnjem danu da se zauzima (šefaati čini) za svoje učeće.....23

• **VOĆE SPOMENUTO U KUR'ANU: Banane - jako ukusne a još više ljekovite**



A oni sa desne strane – ko su oni sa desne strane? Bit će među lotosovim drvećem bez bodlji i među bananama plodovima nanizanim... ” (El-Vakia, 27–29).....24

• **POTVORE I LAŽI NA AIŠU OD STRANE RAFIDIJSKO – ŠITSKE INTELIGENCIJE**



U plemenitom mjesecu ramazanu, grupa rafidija, na čelu sa rafidijskim zlikovcem, "učenjakom" Jasirom Habibom, organizirala je u Londonu skup pod nazivom "Radost Hasana – Aiša u Džehennemu.....30

• **ŽENU PROLINU MELEKI AKO ODBIJE MUŽA NEZ OPRAVDANOG VJERSKOG RAZLOGA (ZABRANA ODBIJANJA MUŽA)**



Kada se žena ne odazove muževom pozivu u postelju.....36

• **NE JEDITE I NE PIJTE LIJEVOM RUKOM**



Ne jedite i ne pijte lijevom rukom.....37

• **JE LI ŽENA OBAVEZNA OBAVLJATI KUĆNE POSLOVE?**



Da li je žena obavezna obavljati kućne poslove, ili je to prepušteno njoj na volju?.....38

• **PROUČITI PO TRI PUTA (3X) SURE AL – IHLAS, AL – FELEK I AN-NAS U SABAH I AKŠAM**



Ako ujutro i uvečer tri puta proučiš: Al – ihlas ,Al - Felek i An - Nas - zaštititi ćete od svagog zla.....40

• **PREKOMJERNO UZIMANJE HRANE**



Čuo sam Poslanika, sallallahu alejhi ve selleme, da je rekao: Sin Ademov nema ništa što može napuniti, a time izazvati veće Allahovo nezadovoljstvo, pored njegovog stomaka. Nekoliko za-logaja mu je dovoljno da održi svoju snagu.....42

• **ULJEPŠAVA MU SE (ŽENA MUSLIMANKA NASPRAM SVOGA MUŽA)**



Žena se svome mužu uljepšava svim vrstama ukrasa i nakita, kako bi mu bila lijepa, elegantan i izazovna, kako bi obradovla oko svoga muža, kako bi unijela sreću u njegovo srce i kako bi ispunila njegovu dušu radošću i srećom.....44

• **DA ROB SPOZNA SVOJU VJERU – ISLAM**



Islam znači predate se Jedinome Allahu iskazujući mu jednoću (tevhid) i povinovati Mu se poslušnošću, zatim odreći se širka i njegovi nosilaca.....47

• **IMAN – VJEROVANJE**



Drugi stepen je iman. On se sastoji iz sedamdeset i nekoliko dijelova. Najveći su riječi “La ilahe illellah” a najniži je uklanjanje smetnje sa puta, a stid je dio imana (vjernovanja)...50

• **IHSAN – NAJVIŠI STUPANJ VJERE**




Ihsan je da robuješ Allahu kao da Ga vidiš, jer ako Ga ne vidiš, On tebe sigurno vidi.....51

• **DJELA SE CIJENE PREMA NAMJERI (NIJJETU)**



Zaista se djela cijene prema namjerama i zaista će svaki čovjek dobiti ono što je naumio svojim djelom.....54

• **DŽAMIJA AL – AKSA**




Jevrejski arheolozi ispod džamije Al-Aksa iskopali su 1,5 km tunela, usljed čega ovom svetom mjestu prijeti urušavanje.....55

- MUŠKARCIMA JE ZABRANJENO ZLATO I SVILA A ŽENAMA JE DOZVOLJENO



svilena odjeća i zlato su zabranjeni (haram) muškarcima moga ummeta, a dozvoljeni ženama.....57

- NAJTEŽI NAMAZI LICIMJERIMA SU SABAH I JACIJA (NE KLANJAJU)



Nema težeg namaza munaficima (licimjerima) od sabaha i jacije.....58

PREDGOVOR ¹

U IME ALLAHA, MILOSTIVOG, SAMILOSNOG!

Zahvala pripada Uzvišenom Allahu i selam – mir na Allahovog Poslanika sallallahu alejhi ve selleme. Svjedočim da nema drugog boga osim Allaha i svjedočim da je Muhammed Allahov rob i Poslanik.

**Čitaj, u ime Gospodara tvoga, koji stvara,
stvara čovjeka od ugruška!**

**Čitaj, plemenit je Gospodar tvoj,
koji poučava peru,**

koji čovjeka poučava onome što ne zna.

(Al-'Alaq – Ugrušak, 1 – 5 ajeti) Prijevod značenja Kur'ana ²

Molim Uzvišenog Allah da mi olakša pisanje ove digitalne knjige uz iskrenu dovu da mi bude korisno na ovom svijetu kao i na budućem. Čovjek koji ostavi iza sebe trajno znanje (napiše knjigu) ima koristi i nakon smrti.

Prenosi se da je Allahov Poslanik s.a.v.s rekao: **Kada čovjek umre njegova djelatnost se prekida, osim u tri slučaja:**

**(ako je ostavio) trajnu sadaku,
ili nauku (znanje – izum) koja je od koristi ili,
dobro dijete, koje za njega dovu čini.**

(Muslim) ³

Ova knjiga obrađuje lahke i praktične teme, znanje koje treba da poznaje svaki praktični musliman – vjernik. Ova knjiga se sastoji iz dijelova svezaka bilješki i svaki dio sadrži po šesdeset (60) stranica radi lakšeg pisanja i čitanja. Ova knjiga je obogaćena slikama – fotografijama i nešto slično časopisu – magazinu.

Ovo djelo je rad učenika koji uči dok ne postane učen. Molim Uzvišenog Allaha da mi podari istinsku učenost. Amin.

A zatim, moram da naglasim da je ispred mene odgovoran zadatak čim sam se odlučila da istražujem nauku. Sticanjem nauke i pisanje je jako odgovoran zadatak. To je put na kojem treba dosta vremena, truda, ulaganja, strpljenja, odricanja isl. Kvalitetno djelo se ne može napisati za jedan čas, još ako želimo da generacije koje dolaze iza nas imaju koristi. Kao što se vidi iz navednog ovo djelo treba da bude opširno i obimno. Znanje je preuzeto iz knjiga islamskih učenjaka. Za svaki

¹ Predgovor – Ummu Harun J.

² Prijevod značenja Kur'ana, Preveo Besim Korkut

Napomena: Navodi se još ajeta u tekstu Predgovora i isti je izvor.

³ Broj hadisa u Rijadu-s-salihin 1383.

Izbor hadisa iz djela Rijadu-s-salihin, Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu

rukopis, tekst, članak, navodim ime i prezime autora, naziv knjige, godina izdavanja knjige i izdavača. Ovo jasno govori da ja nisam autor – vlasnik ovih tekstova – članaka već sam samo “sakupljač znanja” islamskih učenjaka.

Također, da naglasim teme nisu razvrstane već su poredane na način kako su se izučavale, možda djeluje malo neuredno i neorganizovano ali ovako je preneseno kako je sakupljeno. Nadam se, da iskreni čitaoci i tragaoci znanja neće imati problema da nađu od znanja šta ih zanima. Također, da naglasim da mi nije cilj gomilanje tekstova već mi je cilj da slijedim naučeno.

Ovim putem ne pozivam u krajnost niti ekstremizam niti terorizam. Ne pozivam, također, ni moderan islam. Nije sve haram (zabranjeno) niti je sve halal (dozvoljeno) jer “Islam je put sredine.” i jasan je halal i haram. Pozivam se na Allahovu knjigu Kur'an i Sunnet Allahovog Poslanika Muhammeda sallallahu alejhi ve selleme:

Reci: "Pokoravajte se Allahu i Poslaniku!" A ako oni glave okrenu - pa Allah, zaista, ne voli nevjernike.

(3.Ali Imran – Imranova Porodica, 32 ajet) Prijevod značenja Kur'ana
Znanje bez praktičnog djela je mrtvo a postaje živo praktikovanjem, stoga sve navedeno što pišem u ovoj knjizi nastojim iskreno u ime Allaha da praktikujem tj. Živim i provodim u djelo.

Budimo u praktičnom životu Muslimani!

Da bi se situacija u društvu promjenila sve kreće od nas pojedinaca , zato počnimo se prvi mijenjati ne čekajući druge da prvi počnu.
Budimo prvi!

... Allah neće izmijeniti jedan narod dok on sam sebe ne izmijeni....

(13.Ar - Ra'd - Grom, 11 ajet) Prijevod značenja Kur'ana

Ovo skromno djelo ostavljam i poklanjam svojoj djeci, unucima i budućim generacijama, iskrenim sakupljačima znanja i tragaocima za istinom.

Molim Uzvišenog Allaha da popravi stanje muslimana i da budemo bolji vjernici. Amin.

**Urednik
Svjetlost znanja:**

Ummu Harun J.
Novembar 2015. godine
Goražde, Bosna i Hercegovina

UMMU HARUN J.

Ummu Harun J. nadimak, pseudomin što znači MAJKA HARUNOVA. zaključila sam da nije greška da koristim nadimak koji se odnosi na mene jer je Allahov Poslanik s.a.v.s imao nadimak Ebu Kasim tj. Otac Kasimov. S obzirom da imam sina Haruna a ja sam njegova majka onda je prikladan nadimak i nije lažan. Harun je muško ime arapskog porijekla. Značenje imena je: planina, snaga, uzvišen. Ovako značenje sam pronašla u knjizi imena. Ime Harun se spominje nekoliko puta u Kur'anu i bio je brat od Musa a.s J. je skraćena za prezime.

DOBROVOLJNO DARIVANJE KRVI I DARIVANJE ORGANA NAKON SMRTI

Izvor:

Preuzeto iz knjige: Islamski informativni časopis El-Asr, broj:49

Pisac: Na pitanje odgovorio: Mr.Hakija Kanurić prof.

Godina izdavanja: -

Izdavač: Stichting Hidžra

Vergtweg 13,

5301 TA Zaltbommel

Nederland



Spasi život, daruj krv

Pitanje: Željela bi znati kakav je stav islama o dobrovoljnom davanju krvi i darivanju organa nakon smrti?

Odgovor: Dobrovoljno davanje krvi je dozvoljeno uz uvjet da ljekari ustanove da neće štetiti davaocu.

Doniranje organa nakon smrti je, po jednom mišljenju savremenih učenjaka, zabranjeno. Ovo mišljenje bazirano je na zabrani sknavljenja tijela umrlog muslimana, te da čovjek nije slobodan u ophođenju prema svom tijelu, jer stvarni vlasnik čovjekovog tijela je Allah, a ne sam čovjek. Uz to, dozvola doniranja organa može rezultirati negativnostima, poput trgovine ljudskim organima.

Druga skupina savremenih učenjaka smatra da je transplatacija organa iz mrtvog tijela, a time i njihovo doniranje, dozvoljeno uz uvjet da se doniraju osobi čiji je život šerijatom zaštićen, odnosno muslimanu ili nevjerniku koji nije u ratu protiv muslimana. Ovo mišljenje bazirano je na pravilu da prijeka potreba dozvoljava zabranjeno. To pravilo potvrđeno je brojnim ajetima, poput riječi Uzvišenog: *"On (Allah) vam je objasnio šta vam je zabranio, osim kad ste u prijekojoj potrebi"* (prijevod značenja El-En'am, 119), kao i na pravilu o suzbijanju veće štete podnošenjem manje, odnosno preferiranju koristi očuvanja života i liječenja od teških bolesti nad štetom sknavljenja tijela umrlog, a očuvanje života i olakšanje bolesnicima je šerijatom potvrđena korist. Ovo mišljenje, analizirajući pitanje transplantacije organa uzetih iz živih i mrtvih, preferirao je Kolegij islamskog prava sa sjedištem u Džiddi na svojoj četvrtoj sjednici održanoj 1988. g. Kolegij je u svom zaključku između ostalog naveo: *"Dozvoljeno je transplantirati organ iz mrtvog tijela osobi čiji je život neodrživ bez tog organa ili je neodrživa neka od temeljnih funkcija tijela, uz uvjet da to umrli dozvoli prije svoje smrti, ili da to dozvoli njegovi nasljednici nakon smrti, ili da to dozvoli muslimanski vođa, ako se radi o osobi nepoznatog identiteta ili osobi koja nema nasljednika."* Uz to, Kolegij je naglasio da ljudske organe, iako je dozvoljeno pokloniti, nije dozvoljeno prodavati.

KO SU VEHABIJE

Izvor:

Preuzeto iz knjige: pravne decizije, Fetve, pitanja i odgovori

Pisac: Mr. Safet Kuduzović

Godina izdavanja: 2009 – 1430 Sarajevo

Izdavač: Autor u saradnji sa džematom hidžra u Holandiji

SVJETLOST ZNANJA



Brada po suunetu Allahovog Poslanika s.a.v.s – a one što nose bradu – nazivaju vehabijama

Pitanje: Skoro sam počela čitati o islamu. Mislila sam da se muslimani ne razlikuju, ali sam ipak saznala da postoje četiri mezheba, pa ne-kakve vehabije itd. Molim vas, objasnite mi ko su vehabije, a ko sele-fije. Allah vas nagradio!

Odgovor: Uvažena sestro, tvoje prvotno mišljenje da su svi muslimani istovjetni potpuno je ispravno, znaj da si već u početku zauzela ispravan stav u vezi s tim. Kada je riječ o mezhebima, to su pravni (fikhski) pravci koji su rezultat različitog razumijevanja šerijatskih dokaza. Objektivno je i realno da učenjaci na različite načine shvataju argumente, tim prije jer se njihova moć razumijevanja i shvatanja tih dokaza razlikuje od situacije do situacije. Dakle, svaki mezheb nastoji što preciznije razumjeti Kur'an i hadis, te na osnovu tog razumijevanja donijeti pravno rješenje o određenom pitanju. I pored tih pravnih razilaženja, muslimani ehli-sunnetskih pravnih provenijencija imaju isto vjerovanje, što je, svakako, najvažnije u islamu. Islamski učenjaci, kako prvi tako i potomji, tolerirali su neizbježna fikhška razilaženja. U sljedećem hadisu Poslanik, sallallahu alejhi ve sellem, ukazao je da će takvih razilaženja uvijek biti: *"Kada učenjak uloži trud u iznalaženju rješenja i zauzme ispravan stav, piše mu se dvostruka nagrada, a ako pogriješi, piše mu se jedna nagrada."*⁴ Dakle, učenjak koji pogodi, dobija nagradu za uloženi trud i pogodak, a koji pogriješi ima nagradu samo za uloženi trud. Neka je neizmjerena hvala našem Gospodaru, Koji nas je učinio

⁴ (Buhari i Muslim)

muslimanima, a najbolji muslimani u Allaha, dželle šanuhu, jesu najbogobojasniji ljudi, bez obzira na njihovo mezhebsko opredjeljenje. Kada je riječ o ljudima koje zovu vehabije, oni su muslimani koji nastoje dosljedno slijediti Kur'an i hadis. Muslimanke koja se propisno oblače, ne miješaju se s muškarcima, ne slušaju muziku ..., muslimani koji nose dužu bradu, skrate odjeću da ne pada ispod članka, koriste misvak nazivaju vehabijama, želeći kazati da slijede Muhammeda b. Abdulvehhaba. Ako već žele da ih zovu po osobi koju slijede, ispravnije bi bilo da ih zovu "muhammedijje", tim prije jer se njegov otac zvao Abdulvehhab, a nije on. Većina onih koje ljudi nazivaju vehabijama uopće i ne zna ko je Muhammed b. Abdulvehhab. Oni koji nastoje slijediti Kur'an i hadis (naravno, pripadnici svih pravnih škola slijede Kur'an i hadis) ne pripisuju se određenoj pravnoj školi, pa zbog čega bi se pripisivali Muhammedu b. Abdulvehhabu, koji, iako je bio poznat i istaknut, sigurno nije na stupnju nijednog od imama spomenutih pravnih škola. Etiketu "vehabije" proturaju laici, prvenstveno šiije (rafidije), koji svoju vjeru svode na udaranje s lancima, obožavanje kabura i narićanje kod njih. Muhammed b. Abdulvehhab borio se protiv te idolatrije i nastojao je raširiti čisti monoteizam (tevhid). A sada, svako ko želi slijediti izvornu vjeru, dobije epitet "vehabija". Šta je loše u slijeđenju sunneta! Poenta je u tome što neki muslimani ne mogu vladati svojim prohtjevima, pa kada vide nekoga ko je bolji vjernik od njih kažu: plaćenik, vehabija, musliman 1992., i sl. Molim Svemogućeg Allaha da nas pouči islamu, da iz naših grudi odstrani zavist i sačuva potvaranja nevinih ljudi!

MAJKA

Izvor:

*Preuzeto iz knjige: Pripovjetke
Pisac: Zija Dizdarević
Godina izdavanja: 1948, Sarajevo
Izdavač: Svjetlost*



Zija Dizdarević (1916-1942)

Stoji iz mene daleko, petnaest i više godina daleko, prigušeno bosansko djetinjstvo.

Da li se sjećam?... Bila je to jedna kutija – soba, i po njoj išlo napačeno mršavo lice, noge u papučama, izbljedjele dimije i blag predan pogled. Majka! Od zida do zida, od vrata do peći, od ručka do večere, od jeseni do proljeća, u zidovima, među četiri zida, uzidan, tekao je nelijep ženski život.

Sjećam se: bilo je sunce, mnogo sunca oko nas kad su dječije igre i crne poderane seoske košulje prolazile avlijom i ispred prozora. U polumraku “zelene odaje” čamila je mati i krpila. Duvarevi tamni, u sjenci pili su krv iz ženskih obraza.

Sjećam se: jurili smo po vršajevima za konjima, preko trave i kamenja, kroz dječije razigrane prostore, zaboravljajući otići pet puta na dan u džamiju i – poslije su očeve batine bile svršetak radosti. Mati je sumorno poslušna i prigušena kao i mi, suzila: “Svoj je otac, kad malo i udari... poljubi ga u ruku, pa klanjaj, sinko”, a na svaki udarac i jauk lice joj se trzalo i glavu je okretala.

Isprebijano, polomljeno djetinjstvo, nedoigrane igre, žena sakrivena u

tami i očev nemilosrdni pogled. Stražarska sablja što nas je goropadno gonila kroz sokake... Rasli smo.

– Da mi se nijesi maknuo ispred kuće. Jes' čuo. Nemoj da te ja špruljom pitam đe si bio! A sad – abdest pa namaz.

Zid pred sitnim dječijim željama.

Učiteljeva šipka bila je duža od očeve, a djeca su u školi zaplašeno ćutala. Moj plač... Sjećam se majke. Blijedila je.

Sakrivena iza žalosnog crnog vela, "vale", uvijena u široko platno, zar, krila se od ljudi kada je u rijetke dane trebalo proći ulicom. Kroz naš "halvat" prolazile su tetke, daidžinice, nane, babe, žene i žene, donosile na licu mrke vale, u zjenama pokornost. Ispijale su kahve, razgovarale o košuljama i smjerno zaklanjale lica kada bi otac naišao.

Čuđah se: jesu li imale oca. Jesu li ikad bose skakale po livadama.

Tada smo smjeli, da ne smetamo po kući, izići na sokak. Igrali smo se pred kućom i čežnjivo zurili u daleke vrhove brda što se miluju sa oblacima.

I rasli smo.

Svake druge godine po jedno dijete došlo bi među nas.

Majka bi tada obično ležala. Samo ne znam zašto sam sve češće bivao mlaćen, zašto majčine oči postajahu dublje i zašto smo izjutra suh hljeb jeli...

Žene su ipak dolazile. I igre s njima. Igre: klis, "top", čiza, prašina.

Bježali smo iz odaja na sokak i od kamenja pravili snove. Zaborave.

Da! Četiri su jabuke u našoj avliji, petnaest puta su odonda cvale, a ja ne znam pravo je li se baš tada pretrgnulo moje djetinjstvo.

Sjećam se: bijaše ljeto. Na prozoru, iznad prašine u kojoj smo sjedjeli, bila je majka. Savijena ulica u uncu, žuta opustjela, zabavljala se s nama. Jedan stari zid nagnuo se nad kulu od kamenčića koju je Fikret lijepio okvašenom prašinom. Tiho i vruće.

Onda nešto snažno i otegnuto dreknu. Čudno! Čekali smo da ponovo počne. I čusmo: tu-uu-uu! tu-u-u! tu-u-u! dva puta.

– Baš k'o truba u Ante Micinog – otkrio je Bajro.

– Nije vala, veg' k'o kad Mešan pjeva. Eno...

– Tu-uu! tuu-uu!

Zabavljao nas je, a bilo je sve bliže. Kao iza našeg avlijskog zida.

Sjedeći u prašini okretali smo glave prema zvuku.

Zašto je mati tako uporno udarala na prozor.

... Fikret je imao zelene, kratke, otrcane hlačiće...

A odjednom pred nama je ogromno crno tijelo aždahe. Ili nemani.

Sunce je bliještalo iz staklenih očiju koje su išle na nas. Sasvim blizu... bliže. Očajno brzo! Tuu!

– Tonobil! – prestrašeno je skočio Bajro.

Ne znam da li se iza prozora začuo silan i beznadan urlik. Ni šta je bilo sa kulom od kamenja. Jesu li Fikret i Bajro, bili sa mnom ili nisu. Tek kad se pribih uza zid i kad ga osjetih pod noktima zgrčene ruke, sjetih se...

Sve je to bilo brzo kao tren. Okrenuo sam se. Vidjeh još samo kako malaksalo ručica mahnu ispod točka. Kao da je u ušima odjekivao rezak slomljen krik.

Guši u grlu. Čije je to srce onako lupalo.
Auto je pregazio Fikreta i zaustavio se. U prašini sam nazirao zelene... nešto zeleno. Ljudi i djeca. Žagor. Užas.
Iskrivljenih poluotvorenih usta bez vale i zara izjurila je mati i stala podignutih ruku nad zgnječeno tijelo koje se prestalo trzati. Ja ne znam... gledao sam samo nju, nisam se micao i htio sam, očajno sam htio da pobjegnem od tog strahovitog trenutka i duboko, duboko začinjala se luda misao: možda sve ovo i nije ovako... nije istina.
A majka je imala široko razrogačene oči. Okamenjen pogled bio je visoko nad krvavom prašnjavom zemljom i sve oko mene, i ja, svi smo se utopili u taj bolan pogled. Ja se ne sjećam da li je, najzad, bilo i sunca i prašine i auta i ljudi, ali znam da je bila, i u meni je još uvijek kao teret da počiva, beskrajno riječita ukočenost majčinih očiju.
Zatim je došao otac. Stajao je zaprepašten, malo ćutao, onda vidjevši nepokrivenu namrgodio se:
– Zar ne vidiš da te vas dunjaluk gleda? Šta si izlazila brez vale? Unila-
zi.
* * *
Sjećam se: polazio sam na “škole”. Mati je grcala ispraćajući me:
– Pripazi, sinko, grad je dušmanin. Ne idi sredinom đade, satrće te štogod, ama nemoj ni plaho uz kraj – da te, boj se, ne udari nešto s krova, vego hajde ‘nako, ‘nako...
Dalje nije znala. Ili nije mogla!...

KUPANJE ZA VRIJEME POSTA

Izvor:

Preuzeto iz knjige: pravne decizije, Fetve, pitanja i odgovori

Pisac: Mr. Safet Kuduzović

Godina izdavanja: 2009 – 1430 Sarajevo

Izdavač: Autor u saradnji sa džematom hidžra u Holandiji



na slici pranje ruku

Pitanje: Da li je dopušteno kupanje za vrijeme posta? Allah vas nagradio!

Odgovor: Kupanje za vrijeme posta nije problematično. Allahov Poslanik, sallallahu alejhi ve sellem, kupao se u ramazanu, i to nakon nastupa zore.⁵ Ashabi su vidjeli da je Poslanik, sallallahu alejhi ve sellem, dok je postio polijevao vodu po glavi zbog vrućine ili zbog žeđi.⁶ Ibn Omer je kvasio odjeću i oblačio je dok je postio.⁷ A Allah, opet, najbolje zna.

⁵ Buharija i Muslim.

⁶ Ebu Davud sa ispravnim lancem prenosilaca, tvrde imam Nevevi i Askalani.

⁷ Ibn Ebu Šejbe sa ispravnim lancem prenosilaca

KAKO JE HOLANĐANIN BENJAMIN PREŠAO NA ISLAM?

Izvor:

Preuzeto iz knjige: Islamski informativni časopis El-Asr, broj:60

Pisac: Pripremio: Hasan Stranjac prof.

Godina izdavanja: maj 2014.

Izdavač: Stichting Hidžra

Vergtweg 13,

5301 TA Zaltbommel

Nederland



Na slici Holandija

Nedavno sam upoznao jednog brata koji je porijeklom Holanđanin, a prešao je na islam. Svaka priča o povratku islamu zaista je posebna, zanimljiva i poučna, ali ova njegova priča toliko me fascinirala me i nisam mogao odoljeti a da ga ne pitam da napiše nešto o tome pa da se od te priče okoriste i drugi muslimani s našeg govornog područja. Molim Allaha da učvrsti naše ubjeđenje, omili nam da Ga iskreno obožavamo i spominjemo i da nam omrzne grijeha i neposlušnost. Pored ovog, cilj prenošenja ove priče jeste i poziv onima koji još nisu spoznali ljepotu islama da počnu da proučavaju ovu vjeru, ako pažljivo budu obraćali pažnju na sve oko sebe i ako budu iskreno tragali za istinom i vječnom srećom, sigurno će moći vidjeti znakove i dokaze Božanske moći koji upućuju na Stvoritelja koji jedini zaslužuje da bude obožavan.

Benjaminova priča

Cijenjena braćo i sestre, ovo je priča nekog ko je odrastao bez neke čvrste vjere. Uvijek sam vjerovao u Boga, ali u srcu nikad nisam gajio neku čvrstu vjeru. Cijelu mladost proveo sam u kršćanskoj školi i

čudilo me je da su uvijek obožavali Isaa (Isusa). To me je uvijek mučilo jer za mene je Isa bio poslanik, a ne Bog, niti sin Božiji. Ubrzo sam naučio da Bog sve vidi na način kako to Njemu dolikuje, a ne onako kako ljudi vide, i On sve čuje, ali na način kako to Njemu dolikuje, a ne onako kako ljudi čuju, On govori onako kako Njemu dolikuje, a ne onako kako ljudi govore. On nama stvari pojašnjava putem Svojih ajeta (dokaza).

Moj brat iz Bosne, Ado, pomogao mi je i dao mi je prijevod Kur'ana na holandski. On mi je pojasnio neka pitanja iz islama tako da sam osjetio da mi se islam kao vjera dopada. Ubrzo sam odlučio da čitam i proučavam Kur'an. Prve večeri kad sam čitao prijevod Kur'ana bio sam odmah oduševljen i pročitao sam do kraja sure El-Bekara. Kad sam otišao spavati, imao sam noćnu moru koja se pojavljivala sedam uzastopnih noći. Svaku noć sam čitao i molio Allaha da otkloni moj ružan san, jer nisam više smio spavati.

Svaki put u snu sam se nalazio na tamnom mjestu gdje nije bilo nikakvog svjetla. Stojao sam ispred ogromne zastarjele željezne ograde. Kraj ograde nisam mogao vidjeti ni na desnoj niti na lijevoj strani. Bila je toliko visoka da vrh ograde nisam mogao vidjeti. Bio sam blizu te ograde, a na drugoj strani bio je šejtan (sotona). Pojavio mi se u bijeloj odori, imao je bijelo lice i crnu kosu i bio je sa crnim očima, vrištao je i pokušavao je da me uhvati s velikim prljavim noktima. Nije mogao da podnese što se između nas nalazila ograda i vrišteći počeo je da ljulja ogradu.

Ovo je bio moj prvi znak od Allaha. Ja sam protumačio sebi ovaj san da je ograda islam ili Kur'an koji su šejtana sprečavali da mi naudi. Svaku noć sanjao sam isti san. Ja sam bio ustrajan i nastavio sam čitati prijevod Kur'ana i upućivao sam molitve. Nakon sedme noći, san je prestao i ja sam opet mogao mirno da spavam. Hvala Allahu! Sotoni nije pošlo za rukom da me odvрати od islama. Bio sam veoma zahvalan Bogu i ubrzo sam odlučio da primim islam i da klanjam namaz u mesdžidu. U ovome sam našao svoj mir i bilo je mnogo braće koji su mi davali podršku. Saznao sam kako je lijep islam i pun ljubavi, nisam nikad mislio da ću u islamu naći tako lijep i smiren osjećaj.

Cijenjena braćo i sestre, nemojte gledati islam kroz druge muslimane, kao što sam ja radio, nego gledajte na sam islam. Ljudi griješe. Allah je objavio ovu vjeru i ona je savršena. Savjetujem prvo sebe, a zatim vas: Živite za Allaha, nemojte nanositi zlo drugima, obavljajte namaz, dajte zekat, ako ste obavezni, i budite pravedni prema drugima! Ako ovo budete radili, onda će to biti dovoljno, ako Bog da, jer Allah upućuje koga hoće. **“Reci: ‘On je Allah – Jedan. Allah je utočište svemu. Nije rodio i rođen nije. I niko Mu ravan nije.’”** (El-Ihlas, 1–4) Vaš novi brat u islamu, Benjamin!

UČITE KUR'AN JER ĆE ON DOĆI NA SUDNJEM DANU DA SE ZAUZIMA

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu



*Nemoj da ti prođe dan a da tvoje oči nisu gledale u Kur'an
(šejh Salih El - Magmisi)*

Ebu-Umame prenosi da je čuo Allahovog Posalnika sallalalhu alejhi ve selleme kad kaže: **“Učite Kur'an jer će on doći na Sudnjem danu da se zauzima (šefaati čini) za svoje učeće”.**

(Muslim)

Broj hadisa u Rijadu-s-salihin 991.

VOĆE SPOMENUTO U KUR'ANU: BANANE - JAKO UKUSNE A JOŠ VIŠE LJEKOVITE

Izvor:

Preuzeto iz knjige: Islamski informativni časopis El-Asr, broj:66

Pisac: Pripremio: Nedim Botić. Prof.


Godina izdavanja: Maj 2015.

Izdavač: Stichting Hidžra

Vergtweg 13,

5301 TA Zaltbommel

Nederland



banane

Banane su omiljeno voće brojnih sportista koji tragaju za nadopunom nivoa elektrolita i brzim izvorom energije, ali ovo je voće mnogo više od ukusne poslastice ili dodatka doručku. Bliži pogled na naučnu literaturu otkriva čitav niz malo poznatih koristi vezanih za konzumaciju ovog voća. Reguliranje krvnog pritiska, liječenje bolesnih crijeva, olakšavanje simptoma artritisa i liječenje ovisnosti o narkoticima, samo su neke od dodatnih koristi koje se pripisuju ovom jednostavnom voću, koje je jedno od najkorisnijih, široko dostupnih i najjeftinijih oblika superhrane.

Da li su banane spomenute u Kur'anu?

Uzvišeni Allah, opisujući džennetske blagodati, kaže: **“A oni sa desne strane – ko su oni sa desne strane? Bit će među lotosovim drvećem bez bodlji i među bananama plodovima nanizanim...”**

(El-Vakia, 27–29)

U prijevodima Kur'ana na bosanski jezik, kur'anski termin *talh* iz 29. ajeta sure El-Vakia odnosi se na banane, koje će biti nagrada za džennetlije, a njihovo stablo pružat će im hlad. Pojam talh inače se spominje samo na jednom mjestu u Kur'anu kao nagrada za džennetlije. Vraćajući se na islamsku literaturu, vidjet ćemo da postoji i mišljenje da se termin talh odnosi na drvo akacije.

U više klasičnih tefsira i u nekim klasičnim arapskim rječnicima, pojam talh odnosi se na bananu. Iako Arabijski poluotok nije domovina banane, moguće je da su Arapi bili upoznati s ovim voćem koje se počelo uzgajati u oblasti Mediterana oko 650. godine po miladu. Sljedeći dokaz koji potvrđuje da se u časnom ajetu spominju banane jeste etimološki. Imenica banana svoje leksičko značenje duguje arapskoj riječi za prst – banan. Također, banane, kao slatko i ukusno voće, prirodnije se uklapaju u sliku Dženneta od drveta akacije.

U Ibn Kesirovom tefsiru 29. ajeta sure El-Vakia kaže se: “*Talh* je krupno drveće koje se može naći i u području Hidžaza, a jednina je talhatun. To je riječ koja govori o nizu plodova. Ibn Abbas kaže da je ovo drvo slično dunjalučkom, ali plodovi su mu slađi od meda, pa kao da je to lotos. Opisuje ga da je nanizano i da nema bodlji, dok njegova peteljka na sebi nosi više plodova. Ibn Abbasa je rekao da talh znači banana, kako je stanovnici Jemena nazivaju.” (Muhammed Nesib er-Rifai, Tefsir Ibn Kesir)

Pridjev mendud, kojim se opisuje pojam talh u suri El-Vakia, upućuje da se tu radi o plodovima voća koji su doslovno nanizani ili poslagani jedno nad drugim, poput banana u ruci. Međutim, moguće je da se spomenuti pridjev odnosi na samo drvo, a ne na plod.

Pojam talh mnogi izvori opisuju i kao akaciju. Akacija se u izvorima navodi kao drvo pod kojim su ashabi dali prisegu Poslaniku, sallallahu alejhi ve sellem: **“Allah je zadovoljan onima koji su ti se pod drvetom na vjernost zakleli. On je znao šta je u srcima njihovim, pa je spustio smirenost na njih, i nagradit će ih skorom pobjedom i bogatim plijenom koji će uzeti, jer je Allah moćan i mudar.”** (El-Feth, 18–19) Akacija raste u pustinjskim predjelima Sudana, Libije, Jordana i Arabijskog poluotoka. U Jemenu se ona naziva talh, i po njoj su ime dobila mnoga mjesta u arapskom svijetu, poput mjesta Karkur Talh u Libiji.

Među islamskim učenjacima bilo je i onih koji su izuzetno cijenili bananu kao voće, a jedan od njih svakako je poznati imam Malik b. Enes, rahimehullah, za kojeg je poznato da je od voća najviše volio banane, ističući: “Ništa više ne nalikuje na džennetske plodove od njih!” (Malik, Muvetta, I tom)

Banana – pristupačna, a zdrava superhrana

Banana je kombinacija ugljikohidrata, jednostavnih šećera i prehrambenih vlakana, koja osigurava energiju potrebnu za fizičku aktivnosti. Banana je pristupačna, dostupna je tijekom cijele godine i velikom broju ljudi je omiljeno voće. Postoji čak 300 vrsta banana, od kojih se tek 20 uzgaja za prodaju. Banana ima žutu koru, svijetložuto meso, slatkog je okusa, mekana i kremasta. Iako je biljka izuzetno visoka, ne spada u porodicu stabala.

Nutritivna vrijednost: Banane sadrže visoku razinu kalija, minerala koji je neophodan za pravilan rad mišića. Odličan su izvor vlakana, a sadrže malo zasićenih masnoća i holesterola. To je jedna od rijetkih vrsta voća koja sadrži čitavi kompleks vitamina B, od kojih u najvećoj mjeri sadrži tiamin, riboflavin, niacin i folnu kiselinu.

U usporedbi s jabukom, ima čak četiri puta više bjelancevina, dva puta više ugljikohidrata, tri puta više fosfora, pet puta više vitamina A i željeza, i dva puta više svih ostalih vitamina i minerala. Uz sve navedeno, banane sadrže bakar, mangan, selen i cink.

Jedna banana sadrži: vitamin B6 – 0,5 mg, mangan – 0,3 mg, vitamin C – 9 mg, kalij – 450 mg, dijetalna vlakna – 3 g, proteini – 1 g, magnezij – 34 mg, folna kiselina – 25,0 mcg, riboflavin – 0,1 mg, niacin – 0,8 mg, vitamin – 81 IU, željezo – 0,3 mg.

Primjena u ishrani: Banana se koristi u ishrani kao ukusan obrok, kao desert, za pripremanje sokova, za pripremanje kremova, kao dodatak nekim salatama i kolačima. Banana se naročito preporučuje za doručak ili užinu jer veoma brzo daje potrebne sastojke organizmu, pa je djeca i sportisti koriste kao međuobrok ili kao pomoćni obrok.

Način konzumacije: Banana je dobar antioksidans i djeluje protiv bakterija i virusa, pa stručnjaci preporučuju “jednu bananu dnevno kao lijek”. Također, za sprečavanje viška kilograma savjetuje se da se, umjesto kolača ili čokolade, pojede jedna banana.

Banane ne treba čuvati u frižideru niti u zamrzivaču, jer se tako brzo kvare i gube hranjive sastojke. Treba voditi računa o tome da kod određenog broja ljudi banane izazivaju alergiju. Zbog toga se preporučuje da se bebama prvi put daje kašica od banane da bi se provjerilo da li su sklone alergiji.

Ljekovita svojstva banane

Banane su omiljeno voće brojnih sportista koji tragaju za nadopunom nivoa elektrolita i brzim izvorom energije, ali ovo je voće mnogo više od ukusne poslastice ili dodatka doručku. Bliži pogled na naučnu literaturu otkriva čitav niz malo poznatih koristi vezanih za konzumaciju ovog voća. Banane sadrže čak tri prirodna šećera: saharozu, fruktozu i glukozu u kombinaciji sa vlaknima. Istraživanja su pokazala da samo dvije banane osiguravaju dovoljno energije za 90-minutni naporan trening, stoga i ne čudi što je banana voće broj jedan poznatih svjetskih sportista. Bogate vitaminima, mineralima i drugim korisnim sastojcima, banane mogu poslužiti kao prirodan lijek za liječenje depresije, poboljšanje rada mozga i smirenje nervnog rastrojstva.

Osim što je dobar izvor energije, banana ima i mnoge druge prednosti koje su značajne za naše zdravlje:

Liječenje crijevnih i želudačnih problema: Banana se koristi kao dijetalna hrana protiv crijevnih poremećaja te neutralizira pretjeranu kiselost i smanjuje nadraženost sluznice želuca. Banane sadrže pektin, koji ubrzava probavu i podstiče izbacivanje toksina i teških metala iz tijela. Osim toga, njihovo je djelovanje probiotsko i stimulira rad crijeva. Svi ovi faktori podstiču rad probave i smanjuju nadutost, dok vlakna iz mekanog ploda razbuđuju crijeva i djeluju poput prirodnog laksativa na zatvor.

Stres: Stres nazivaju bolešću modernog doba, jer ostavlja velike posljedice na naše zdravlje. Stres ubrzava metabolizam, pri čemu opada nivo kalija u organizmu. Ravnotežu je moguće uspostaviti pomoću jedne banane, koja u sebi sadrži dovoljno kalija, koji će pomoći u normalizaciji otkucaja srca, slanju kiseonika u mozak i reguliranju optimalne količine vode u tijelu.

Krvni pritisak: Poznato je kako veliki unos natrija, a mali unos kalija ima negativan utjecaj na krvni pritisak. Zbog toga je važno tijelo opskrbiti velikom količinom kalija, koju sadrže banane. Svako jutro preporučuje se da pojedete jednu bananu, koja će pritisak održavati na dozvoljenoj granici.

Problemi s mjesečnim krvarenjem kod žena: Banane obiluju vitaminom B6, koji povoljno utječe na nivo glukoze u krvi, a dokazano je kako vitamini B-skupine kod PMS-a uspješno reduciraju problem bolnog tijela, promjene raspoloženja i nakupljanja vode u tijelu.

Liječenje depresije i nervnih poremećaja: Banane sadrže triptofan, sastojak koji se još nalazi i u purećem mesu, a koji pomaže uspostavu smirenog, opuštenog raspoloženja. Zbog bogatog sadržaja vitamina B-skupine, te zahvaljujući konverziji triptofana u serotonin – hormon

sreće, banane pomažu kod problema s raspoloženjem i podržavaju osjećaj blagostanja. Od ukupno poznatih osam vitamina iz skupine B-vitamina, banana je odličan izvor njih pet – tiamina (B1), riboflavina (B2), niacina (B3), piridoksina (B6) i folata (B9). Vitamini B-kompleksa osnovna su “hrana” našeg nervnog sistema, a pomažu u resorpciji i iskorištavanju drugih sastojaka, te čuvaju zdravlje srca, mišića, kose i kože.

“Depresija se može izbjeći ukoliko nastavimo da unosimo dovoljne količine B-vitamina uporedo sa starenjem”, pojašnjava Emily Main u članku objavljenom u novinama Rodale News. “Pozitivan efekat na liječenje depresije još je izraženiji kada kombiniramo korištenje prirodnih izvora B-vitamina s dodatnim unosom vitaminskih suplemenata.”

Pored B-vitamina, banane sadrže velike količine kalija, elektrolitnog minerala koji je neophodan za normalno funkcioniranje srca, bubrega i drugih organa. Moždani neuroni također u velikoj mjeri zavise od kalija, a njegov nedostatak može dovesti do “moždane magle” i drugih kognitivnih problema. Naučna studija objavljena 2013. u naučnom magazinu Journal of Neuroscience Letters istraživala je unos dodatnih količina kalija i nivo slobodnih radikala u mozgu. Nakon dvadeset dana suplementacije s kalijem, uočeno je da su nivoi slobodnih radikala u mozgu drastično opali, te je došlo do smanjenja oksidativnog oštećenja koje se pojavilo kod ispitanika. Budući da oksidativna oštećenja dovode do slabljenja funkcija mozga, kalij sprečava njihov nastanak i moguća oštećenja mozga. (naturalnews.com)

Smanjen rizik od kardiovaskularnih bolesti

Prema istraživanju italijanskih naučnika predstavljenom na konferenciji American Heart Association’s Nutrition, Physical Activity, and Metabolism, redovito konzumiranje hrane bogate kalijem može znatno smanjiti rizik od kardiovaskularnih bolesti. Rezultati još jedne studije predstavljeni na istoj konferenciji u San Franciscu ukazuju na to da konzumiranje svježeg voća i povrća može spriječiti moždani udar ili umanjiti rizik njegovog nastanka. Autori studije su naučnici sa Univerziteta u Napulju koji su objedinili rezultate deset istraživanja provedenih između 1966. i 2009. godine, a u kojima je sudjelovalo više od 280.000 osoba. Istraživanja su pokazala da konzumiranje hrane koja sadrži kalij može umanjiti rizik od moždanog udara za devetnaest posto, a rizik od kardiovaskularnih bolesti za osam posto, prvenstveno snižavanjem krvnog pritiska.

Od ostalih ljekovitih dejstava banane izdvajamo:

Anemija: Pošto je veoma bogata željezom, banana stimulira proizvodnju hemoglobina u krvi i tako pomaže u slučajevima anemije.

Kosti: Banane mogu poboljšati sposobnost organizma da apsorbira kalcij, neophodan za jake kosti.

Koncentracija: Istraživanja su pokazala da banana može pomoći u poboljšanju koncentracije. Stoga se preporučuje studentima, učenicima i svima koji se bave zahtjevnim mentalnim aktivnostima.

Jutarnje mučnine: Konzumacija banane između obroka pomaže u održavanju razine šećera u krvi, te na taj način možemo izbjeći jutarnje mučnine.

Ugriz komarca: Nakon uboda insekta istrljati mjesto uboda unutrašnjom stranom kore od banane.

Prestanak pušenja duhana i konzumiranja narkotika: Banane mogu pomoći osobama koje pokušavaju prestati pušiti ili konzumirati narkotike i opojna sredstva. Sadrži vitamine B6, B12, kao i kalij i magnezij, koji pomažu tijelu da se oporavi od učinaka povlačenja nikotina i narkotičkih supstanci.

Moždani udar: Prema istraživanjima objavljenim u New England Journal of Medicine, konzumacija banane kao dio redovite prehrane može smanjiti rizik od moždanog udara za čak 40%!

POTVORE I LAŽI NA AIŠU OD STRANE RAFIDIJSKO - ŠITSKE INTELIGENCIJE

Izvor:

Preuzeto iz knjige: Islamski informativni časopis El-Asr, broj:39

Pisac: -

Godina izdavanja: Novembar 2010.

Izdavač: Stichting Hidžra

Vergtweg 13,

5301 TA Zaltbommel

Nederland



na slici zalutale šiije

U plemenitom mjesecu ramazanu, grupa rafidija, na čelu sa rafidijskim zlikovcem, "učenjakom" Jasirom Habibom, organizirala je u Londonu skup pod nazivom "Radost Hasana – Aiša u Džehennemu. Cilj organiziranja ovoga skupabilo je proslavljanje smrti majke pravovjernih Aiše, kćerke Ebu Bekra es-Sidika, Allah bio zadovoljan sa njome i svim Poslanikovim drugovima. Skupu su prisustvovali svi podržavatelji rafidijskog pokreta i rafidijski "učenjaci i šiitska inteligencija". Jasir el-Habib, osuđenik i bjegunac iz svoje bivše domovine Kuvajta, tom je prilikom plasirao niz laži i potvora na račun naše majke Aiše, Allah bio s njome zadovoljan, ističući da je Aiša neprijatelj Allaha i Njegova Poslanika, sallallahu alejhi ve sellem, da je predvodnica žena u Džehennemu čiji je zločin potvrđen iznad sedam nebesa. U svom govoru, Aišu je nazvao pogrđnim imenima, okarakterizirao ju je nevaljalicom, neodgojenom, osobom koja puno psuje i čiji je jezik pokvaren, ustvrdio je da je otrovala Poslanika, sallallahu alejhi ve sellem, da je bila razlog ubistva 30.000 muslimana, da je učinila sedždu zahvale kada je čula da je Alija ubijen u mihrabu, da je svojim nevaljalim postupcima zaprljala stranice historije i da je na

Poslanika slagala hiljade hadisa, tako da je već sada u Džehennemu, čak štaviše u njegovom najdubljem dijelu. Ustvari, htjela je poreći poslanstvo Allahova Poslanika i ona je kafirkinja – nevjernica, tvrdi Jasir. U ovoj rafidijskoj predstavi nastupali su i pojedini stihoklepci koji su proklinjali najbolje ljude islamskog ummeta: Ebu Bekra, Omera, Osmana, Muaviju, Aišu, Hafsu, Hind, Ummu Hakem, Allah bio sa svima njima zadovoljan. Naravno, publika je sve to odabrala svojim učešćem, povicima i aplauzima. Navedene rafidijske laži zorno (jasno) ukazuju na stepen njihove mržnje prema ehli-sunnetu, stoga nije potrebno dodatno pojašnjavati šiitsko vjerovanje i objede koje izriču na račun prvaka islamskog ummeta. Ibn Kesir, pojašnjavajući značenje Allahovih riječi: **“Oni koji objede čestite, bezazlene vjernice, neka budu prokleti i na ovome i na onome svijetu; njih čeka patnja nesnosna”** (*En-Nur*, 23), rekao je: “Nakon objave ovoga ajeta, svi islamski učenjaci, Allah im se smilovao, složili su se da se vrijeđanje i optuživanje Aiše smatra djelom nevjerstva i takva osoba svrstava se u red nevjernika jer se suprotstavlja Kur'anu.” (*Tefsir Ibn Kesir*) Ovom prilikom želim se osvrnuti na pojavu ovog prokletnika i njemu sličnih, na šiitsko lažno odricanje od njih i na našu obaveza prema ovoj pojavi, kako bi oni koji još imaju simpatije prema njima shvatili o kakvoj se poganosti radi.

Odbacivanje tukje (dvoličnjaštva – munafikluka)

Šiitski prokletnik Jasir el-Habib na spomenutom skupu zbacio je sa sebe veo tukje (dvoličnjaštva), što je jedan od temeljnih vrijednosti rafidijskog vjerovanja, i javno izgovorio šiitsko vjerovanje koje je duboko uvriježeno u njihovim prsima, zapisano u njihovim knjigama i čemu se kroz generacije podučavaju njihova djeca. U Londonu je smogao dovoljno snage i hrabrosti da se javno izjasni o onome što druge šiitske kukavice nisu u stanju. Njegova mržnja prema islamu i ehli-sunnetu konačno je isplivala i na površinu izbacila šiitsko stremljenje: **“O vjernici, za prisne prijatelje uzimajte samo svoje, ostali vam samo propast žele: jedva čekaju da muka dopadnete, mržnja izbija iz njihovih usta, a još je gore ono što kriju njihova prsa. Mi vam iznosimo dokaze, ako pameti imate.”** (*Prijevod značenja Ali Imran*, 118) Njegov postupak ne smije se shvatiti, kao što to neki žele predočiti, kao postupak jednog fanatika koji je iznio kvalifikacije koje nemaju nikakve veze sa šiitskim vjerovanjem i koji se oteo kontroli. Njihov veliki alim Medžlisi rezimirao je jedan segment šiitskoga vjerovanja sljedećim riječima koje je Jasir javno prezentirao: “Naše vjerovanje je ‘odricanje’. Zaista se mi odričemo od četiri kipa – idola Ebu Bekra, Omera, Osmana i Muavije, i od četiri žene Aiše, Hafse, Hinde i Ummu Hakem i svih njihovih sljedbenika i pomagača. Zaista su oni najgora Božija stvaranja na zemlji. Zaista se neće upotpuniti vjerovanje u Allaha i Njegovog Poslanika i imame (šiitske) osim nakon odricanja od njihovih neprijatelja (tj, Ehli-Sunneta).” (*Hakul-Jekin*, str. 519)

Atakovanje na ispravno islamsko učenje

U vezi s tim nameće se jedno sasvim opravdano pitanje: Šta se želi postići javnim plasiranjem ovih šiitskih laži? Sigurno je da je samo potvaranje i atakovanje na čast Aiše, Allah bio s njome zadovoljan, dovoljno da osobu izvede iz okrilja vjere islama. Međutim, da bismo shvatili pravu pozadinu šiitskih namjera, neophodno je upoznati se sa pravom istinom o šiitskom prihvatanju islama. Naime, imam Še'abi, Allah mu se smilovao, kao njihov najbolji poznavalac, pojasnio je njihov cilj prihvatanja islama: "Čuvajte se ovih strasti koje vode u zabludu od kojih su najgora šiije. Nisu ušli u islam iz želje ili straha, već radi mržnje prema pripadnicima islama i nanošenja im nepravde. Zaista ih je Alija, Allah bio zadovoljan s njime, spalio vatrom i prognao ih u druga područja. Jedan od njih je Abdullah ibn Sebe'e, židova iz San'a (glavni grad Jemena) kojega je protjerao u Sabat." (*Ibn Tejmije, Minhadž es-sunnetin- nebevije*) Sva šiitska stremljenja usmjerena su u pravcu rušenja islama i iskorjenjivanja njegovih sljedbenika, ali na prepreden način. U osnovi njihove namjere usmjerene su na sknavljenje časti našega voljenog Poslanika, sallallahu alejhi ve sellem, ali kako se plaše reakcije muslimana i proglašenja nevjernicima, tako onda potvaraju Poslanikovu voljenu suprugu. A zar uvreda Aiše nije uvreda Poslanika: **"A one koji Allahova Poslanika vrijeđaju čeka patnja nesnosna"** (prijevod značenja *Et- Tevbe*, 61); **"One koji Allaha i Poslanika Njegova budu vrijeđali Allah će i na ovome i na onome svijetu prokleti, i sramnu im patnju pripremiti"** (prijevod značenja *El-Ahzab*, 57). Svojim riječima i postupcima žele muslimanima sugerirati sljedeće: "Eto to je vaš Poslanik kojem dolazi objava i koji je tako 'pokvarenu' ženu držao kao suprugu sve do svoje smrti i spominjao svome ummetu njene mnogobrojne plemenite osobine". Naime, Poslanik se u vrijeme događaja "potvore" popeo na minber i rekao: "*O skupino muslimana? Ko će me 'ispričati' (opravdati) kod tog čovjeka (Abdullaha ibn Selula, vođe munafika), koji me vrijeđa u mojoj porodici? Tako mi Allaha, ne znam od svoje porodice osim dobro, spominju čovjeka od kojega ne znam osim dobro i nije ušao kod moje porodice osim sa mnom.*" (*Ahmed, hadis sahih, Irvaul- Galil, Albani*) Također, žele da vrijeđaju Poslanikove drugove kao prenosiocce Allahove Knjige i Poslanikovog sunneta i da na taj način ospore Allahovu objavu i dva izvora islamskog šerijata. Vrijeđaju Aišu, Allah bio s njome zadovoljan, a svima je poznato da je upravo ona četvrta osoba od svih ashaba koji su najviše prenijeli hadisa od Poslanika, sallallahu alejhi ve sellem, a najviše od svih žena, i naročito hadise koji se tiču bračne zajednice. Ebu Zur'a er-Razi, Allah mu se smilovao, pojasnio je istinsku pozadinu šiitskih napada na Poslanikove drugove: "Ako sretnoš čovjeka koji vrijeđa nekog od drugova Allahovog Poslanika, salallahu alejhi ve sellem, znaj da je on otpadnik! Zbog toga što je kod nas Poslanik istina i Kur'an istina, i zaista su Poslanikovi drugovi nama prenijeli Allahovu Knjigu i Poslanikove sunnete i oni zaista žele povrijediti naše svjedoke kako bi poništili Allahovu Knjigu i Poslanikove sunnete. Oni su preči da se

vrijeđaju, jer oni su otpadnici.“ (*Muzi, Tehzibul-Kemal*) Isto tako imam Malik, Allah mu se smilovao, rekao je: “Zaista ovi ljudi (šiije) željeli su da vrijeđaju Poslanika, ali nisu to bili u mogućnosti, pa su vrijeđali njegove drugove, kako bi se reklo da je (Poslanik) loš čovjek, i da je bio dobar čovjek, njegovi bi drugovi bili dobri.“ (*Ibn Tejmijje, Sarimul-Mesluli ‘ala šatimir-Resuli*)

Lažne osude

Nakon šiitske predstave, uslijedile su različite osude od strane šiitskih organizacija i pojedinaca, pa čak i vrhovnog vođe iranske revolucije, koje su bile prepoznatljive po tukji (dvoličnjaštvu), nejasnim terminima, nespominjanju imena Aiše niti izraza ”Allah bio s njome zadovoljan”. Ovim osudama šiije žele ublažiti srdžbu Ehlis-sunneta i sačuvati svoje planove širenja šiizma. Napose, ove osude su samo jedan od načina sakupljanja političkih poena, izbjegavanja od proglašavanja nevjernicima te sprečavanja otkrivanja njihovog pravog vjerovanja. Njihove lažne osude nalikuju zabrani vrijeđanja lažnih božanstava od strane muslimana kako se ne bi vrijeđao Allah dok je njihovo vrijeđanje u osnovi dozvoljeno: “Ne grдите one kojima se oni, pored Allaha, klanjaju, da ne bi i oni, nepravedno i ne misleći šta govore, Allaha grdili.” (*Prijevod značenja El-En’am, 108.*) Po šiitskom učenju, vrijeđanje Aiše u osnovi predstavlja ibadet, ali nije dozvoljeno javno vrijeđanje kako ne bi izazvalo nepoželjne posljedice. Ako su iskreni u svojim osudama, onda neka te laži izbrišu iz svojih knjiga, neka ih ne plasiraju u svojim obrazovnim institucijama i neka se jasno očituju u vezi s tim. Međutim, oni to nikada neće učiniti jer bi na taj način srušili svoju vjeru iz temelja. Navest ću jedan primjer koji ukazuje na lažne osude šiija. Naime, poslije vrijeđanja Aiše, Allah bio s njome zadovoljan, gledao sam raspravu između sunnijskog učenjaka Adnana Ar’ara, Allah ga sačuvao, i jednog šiitskog učenjaka koji tvrdi da je vratar šiitskog Mehdija. Dok je išao video prilog Jasira el-Habiba i njegovih pjesnika u kojem vrijeđaju Aišu, spomenuti šiitski učenjak sjedio je potpuno mirno, ali kada mu je šejh Adnan postavio hipotetsko pitanje: “Je li Mehdijeva supruga bila u muta’-braku?”, koji je inače kod njih dozvoljen, šiitski učenjak je snažno reagirao, naljutio se, bacio olovku, povisio glas, udarao u sto, osudio pitanje i uopće nije htio razgovarati o tome, čak štaviše prekidao je govor šejha Adnana. Nakon toga šejh Adnan mu je rekao: “Ako iskazuješ toliku ljutnju radi Mehdijeve supruge i njenog muta’-braka, koji je dozvoljen kod vas, kako je moguće da nikakvu ljuboru nisi iskazao u pogledu Aiše, majke pravovjernika, i Poslanikove časti?”

Poruka prokletnicima

Prokletniku Jasiru el-Habibu, i njemu sličnim potomcima Abullaha ibn Sebe’a (osnivača šiija, jemenskog židova koji je prihvatio islam da bi ga srušio i organizatora ubistva Osmana ibn Affana) i Alkamija (šiitskoga ministra u Abbasijskoj dinastiji koji je uveo Tatare u Bagdad

u kojem je ubijeno na stotine hiljada muslimana), upućujemo Allahove riječi u prijevodu značenja: “Reci: ‘Uprite od muke!’ – Allahu su, zaista, dobro poznate misli svačije” (*prijevod značenja Ali Imran, 119*); i: **“Kad se među njih vratite, oni će vam se pravdati. Reci: ‘Ne pravdajte se, jer mi vama ne vjerujemo, zato što nas je Allah o vama obavijestio’”** (*prijevod značenja Et-Tevbe, 94*). Znaj, prokletniče, da je Aiša, Allah bio s njome zadovoljan, i sa svim majkama pravovjernih i svim Poslanikovim drugovima, Sidika (iskrena), kći Sidika ovoga ummeta, voljenica i supruga našega Poslanika na dunjaluku i ahiretu. Poslanik ju je oženio po Allahovoj naredbi i najviše ju je volio. Poslanik je tri noći sanjao Aišu u bijelim komadima svile s kojima je dolazio melek od Allaha. Njena prednost nad ostalima ženama je kao prednost popare nad ostalom hranom. Allah je objavio ajete o njenoj nevinosti iznad sedam nebesa, ajete koji će se učiti do Sudnjeg dana. Poslanik je preselio na ahiret u njenoj kući, na njenom krilu i u njenom naručju. Džibril ju je poselamio. Prilikom Poslanikove smrtne bolesti, Allah je spojio njenu i njegovu pljuvačku kada mu je omekšala misvak. Tepao joj je riječima: ”O Aiš, o Humejra.” Islamskome ummetu prenijela je 2.210 hadisa (*Sahihu Buhari i Muslim, poglavlje o vrijednosti Aiše*). Draga naša majko i majko svih pravovjernih! Ne tuguj, jer oblacima ne šteti lavež pasa: “Među vama je bilo onih koji su iznosili potvoru. Vi ne smatrajte to nekim zlom po vas; ne, to je dobro po vas. Svaki od njih bit će kažnjen prema grijehu koji je zaslužio, a onoga od njih koji je to najviše činio čeka patnja velika.” (*Prijevod značenja En-Nur, 11.*) Tako nam Allaha, iskupljujemo tebe i tvoju čast s našim majkama, očevima, životima, imetima, porodicama i djecom.

Bosanske šiije

Svima nam je poznato da u Bosni i Hercegovini postoje institucije i pojedinci koji, s jedne strane, proklamiraju šiitsko vjerovanje i ostvarenja iranske revolucije, a sa druge strane upozoravaju na opasnost ”vehabija” po pitanju nacionalne bezbjednosti Bosne i islamske kulture Bošnjaka. Gdje su sada ti dušebrižnici? Zašto ne štite čast majke pravovjernih Aiše i čast Allahovog Poslanika, sallallahu alejhi ve sellem? Zašto se ne ograde od tih laži i potvora ako su iskreni muslimani? Gdje su ti kojima predstavlja ”čast da budu špiijuni jednog velikog islamskog naroda”? Ili nemaju hrabrosti da se pojave, ili su se zavukli u neki sirdab-pećinu do nekih boljih vremena? Tako mi Allaha, vi ste opasnost po Bošnjake i njihovu islamsku kulturu. Vi ste vukovi u janjećoj koži. Dragi moji Bošnjaci, uzmite iz ovoga događaja pouku i znajte ko vam je prijatelj, a ko neprijatelj.

Napose, neophodno je podsjetiti na događaj od prije nekoliko dana kada se održala mubahala (međusobno prizivanja Allahove kazne na lažljivca) između Jasira el-Habiba i šejha Muhammeda Kevsa.

Gospodaru naš, pokaži nam u njemu snagu Svoje moći, a za sve one koji vrijeđaju islam i Poslanikove drugove, upućujemo

dovu: **“Gospodaru naš, uništi bogatstva njihova i zapečati srca**

njihova, pa neka ne vjeruju dok ne dožive patnju” (*Prijevod značenja Junus, 88.*) Nadamo se da se u našoj dovi obistine Allahove riječi: “Uslišena je molba vaša! – reče On.” (*Prijevod značenja Junus, 89.*)

ŽENU PROKLINJU MELEKI AKO ODBIJE MUŽA BEZ OPRAVDANOG VJERSKOG RAZLOGA (ZABRANA ODBIJANJA MUŽA)

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

*Izdavač: Visoki saudijski komitet za pomoć BiH i kulturni centar „Kralj
Fahd“ u Sarajevu*



čovjek i žena

Ebu Hurejre r.a prenosi od Allahovog Poslanika salallahu alejhi ve selleme da je rekao: **Kada se žena ne odazove muževom pozivu u postelju i on zanoći srdnit na nju, meleki je proklinju sve do sabaha.**

(Mutefekun alejhi, tj. Buhari i Muslim)

Broj hadisa u Rijadu-s-Salihin 1749.

NE JEDITE I NE PIJTE LIJEVOM RUKOM

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu



ne jedite i ne pijte lijevom rukom

Ibn Omer r.a prenosi da je Allahov Poslanik a.s rekao: "**Ne jedite i ne pijte lijevom rukom, jer šejtan jede i pije lijevom rukom.**"

(Muslim)

Broj hadisa u Rijadu-s-salihunu 1635.

JE LI ŽENA OBAVEZNA OBAVLJATI KUĆNE POSLOVE?

Izvor:

Preuzeto iz knjige: pravne decizije, Fetve, pitanja i odgovori

Pisac: Safet Kuduzović

Godina izdavanja: 2009 – 1430 Sarajevo

Izdavač: Autor u saradnji sa džematom hidžra u Holandiji



čišćenje kuće

Pitanje: Da li je žena obavezna obavljati kućne poslove, ili je to prepušteno njoj na volju?

Odgovor: Mišljenje da žena nije obavezna služiti svoga muža datira još od davnih vremena. Zastupali su ga neki islamski pravnici: Malik, Ibn Hazm, Nevevi i neki drugi. Imam Teberani smatra da se ovo pitanje vraća na običajno pravo određenog podneblja. Drugim riječima, ako žena u određenom društvenom sloju rade u kućama i služe svoje muževe, onda muž nije dužan svojoj supruzi nabaviti sluškinju u protivnom, jeste. Međutim, praksa ashaba i generacija nakon njih ukazuje da su žene radile u kući svojih muževa i služile ih. Jednog je dana Fatima, radijallahu anha došla kod svoga oca, Resullallaha, sallallahu alejhi ve sellem, žaleći se na bol u ruci štoga je izazvao žrvanj koji je okretala, i tražila je slugu. Allahov Poslanik, sallallahu alejhi ve sellem, upita je: "Želiš li da ti ukažem na nešto što je bolje od toga šta ti tražiš"? Prije spavanja izgovori subhanallah i elhamdulillah po trideset i tri puta, a Allahu ekber izgovori trideset i četiri puta⁸
Na osnovu ovog hadisa imam Buharija naslovio je poglavje: Žena obavlja poslove u muževnoj kući⁹ Hadis jasno ukazuje da je ženin rad u

⁸.(Buharija 5361 - 5362, Muslim 2727)

⁹ (Sahihul Buhari 7/123).

muževoj kući legitiman, u protivnom Poslanik, sallallahu alejhi ve sel-
leme, svojoj bi kćerki Fatimi našao sluškinju. Imam Muslim bilježi da
je Esma b. Ebu Bekr, supruga Zubejra b. Avvama, odlazila u predgrađe
Medine i na glavi donosila, hranu za Zubejrovog konja, pojila ga i bri-
nula se o njemu. Mjesila je tjesto, ali ga nije znala pripremiti za peć, pa
su joj pomagale njene komšinice ensarijke.¹⁰
Otuda neki učenjaci kažu da je dopušteno kazniti ženu ako mužu uskra-
ti služenje. A Allah najbolje zna.

¹⁰ (Muslim 2182, Ibn Hibban 4500).

PROUČITI PO TRI PUTA (3 x) SURE AL – IHLAS, AL - FELEK I AN-NAS U SABAH I AKŠAM

Izvor:

Preuzeto iz knjige: Izbor hadisa iz djela Rijadu-s-salihun

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

*Izdavač: Visoki saudijski komitet za pomoć BiH i kulturni centar „Kralj
Fahd“ u Sarajevu*



I utječem se Gospodaru od zla smutljivca kad smutnje sije

Abdullah b. Hubejb r.a kazuje da mu je Allahov Poslanik a.s rekao: „**Ako ujutro i uvečer tri puta proučiš: Al – ihlas ,Al - Felek i An - Nas** ¹¹ - **zaštititi ćete od svagog zla.** “

(Ebu – Davud, Tirmizi, hasen, sahih)

Broj hadisa u Rijadu-s-salihin 1456.

¹¹ Ove sure u narodu su poznate po početnim ajetima i rijetko ih ko poznaje po njihovom imenu a to su: sura Al – Ihlas (Kulhuvallahu ehad), Al - Felek (Kul euзу bi rabbi-l-felek) i An - Nas (Kul euзу bi rabbi-n-nas). (objasnila Ummu Harun J.)

PREKOMJERNO UZIMANJE HRANE

Izvor:

Preuzeto iz knjige: ČIŠĆENJE DUŠE prema prvim izvorima

Pisac: Ahmad Farid

Godina izdavanja: 2005/1426 H.

Izdavač: Libris



I jedite i pijte samo ne pretjerujte, On ne voli one koji pretjeruju

Uzimanje malih količina hrane jamči nježno srce, jak intelekt, ponizno vlastito biće, oslabljene strasti i blagu narav. Neskromnost u jelu uzrokuje suprotne osobine od onih hvale vrijednih.

El- Mikdan ibn Ma'd Jakrib veli: "Čuo sam Poslanika, sallallahu alejhi ve selleme, da je rekao: Sin Ademov nema ništa što može napuniti, a time izazvati veće Allahovo nezadovoljstvo, pored njegovog stomaka. Nekoliko zalogaja mu je dovoljno da održi svoju snagu. A ako mora

napuniti stomak, onda neka jednu trećinu napuni hranom, drugu trećinu pićem, a treću ostavi praznu zbog lakšeg disanja.“¹²

Prekomjernost u jelu podstiče na činjenju mnogih zabranjenih djela. Ona čine tijelo sklonim nepokornosti Allahu i čini da ibadet i poslušnost izgledaju zamorno, a ova zla su sama po sebi dovoljna. Pun stomak i prekomjernost u jelu uzroci su mnogim lošim djelima i smetnji ibadetu. Onaj koji se sačuva zla prejedanja sprečio je veliko zlo. Šejtanu je jednostavnije kontrolisati osobu koja je hranom i pićem napunila svoj stomak, zato se kaže:“*Puteve šejtanove ograničite, postom*“.¹³

Prenosi se da je jednom prilikom skupina mladića iz plemena Izraelćana činila ibadet i došlo je vrijeme da prekinu post. Tada je jedan od njih ustao i rekao „Nemojte previše jesti, jer ćete onda previše piti, a onda ćete previše spavati, i tako ćete previše izgubiti.“

Poslanik, sallallahu alejhi ve selleme, i njegovi ashabi, neka je Allah njima zadovoljan, nerijatko su bili gladni. Premda je razlog tome često bio nedostatak hrane, Allah je Svome Poslaniku, sallallahu alejhi ve selleme odredio najbolje i najpovoljnije uvijete. Zbog toga su Ibn Omer i njegov otac prije njega, uprkos obinim količinama hrane koje su im bile dostupne, sveli svoje navike u jelu na one Poslanikove, sallallahu alehi ve selleme. Prenosi se da je Aiša, neka je Allah njome zadovoljan, rekla: „*Od alejhi ve selleme, smrti, Muhammedova, sallallahu alejhi ve selleme, porodica nikad nije pojela svoj hljeb napravljen od žita svake noći u tri noći zaredom*“.¹⁴

Ibrahim ibn Azam veli: „Onaj koji kontrolira svoj stomak može kontrolirati i svoj din, i svako ko kontrolira svoju glad, može kontrolirati svoje lijepo ponašanje. Nepokornost prema Allahu najbliža je osobi koja je sita i čiji je stomak pun, a najudaljenija od osobe koja je gladna.“

¹² Sahih, Ahmed, El – Musned, 4/132; Es-Saati, El – Fath er-Rabbani, 17/88; Tirmizi, Kitab ez-zuhud, 7/51.

¹³ Daif; ne nalazi se u većini izvora sunneta ali je spomenut i Gazalijevom djelu El – Ihja, 8/1488.

¹⁴ Buhari, Kitab el-atima, 9/549; Muslim, Kitab ez-zuhdu, 8/105.

ULJEPŠAVA MU SE (ŽENA MUSLIMANKA NASPRAM SVOGA MUŽA)

Izvor:

Preuzeto iz knjige: Ličnost žene muslimanke

Pisac: dr. Muhammed Ali el – Hašimi

Godina izdavanja: 2001 – 1422 H.G

*Izdavač: Sva prava štampanja i izdavanja zadržava Visoki saudijski
komitet za pomoć BiH
i Kulturni centar „Kralj fahd“ u Sarajevu*



1. Za njega – za muža u kući

2. Za svijet – van kuće

*NAPOMENA: Na slici je plastična lutka barby kojom se igraju
djevojčice i nije prava žena.*

Slika bi se bolje prepoznala da je u boji.

Žena se svome mužu uljepšava svim vrstama ukrasa i nakita, kako bi mu bila lijepa, elegantan i izazovna, kako bi obradovla oko svoga muža, kako bi unijela sreću u njegovo srce i kako bi ispunila njegovu dušu radošću i srećom. Ovako su radile žene salefi – saliha, one koje su se povlačile u ibadet svome Gospdaru, one koje su učile iz Njegove knjige, a njihov predvodnik je majka vjernika Aiša r.a. Oblačile su zanosne haljine, stavljale su nakit i kod kuće a i na putovanju, uljepšavajući se svojim muževima.

Bekra bint Ukbe došla je kod majke vjernika Aiša r.a i upitala je za kanu, pa joj je odgovorila: „Plemenito drvo i čista voda“.¹⁵

Upitala je o depilaciji, pa joj je odgovorila: „Ako imaš muža i u mogućnosti si da... *(pogledaj nastavak rečenice i objašnjenje u fusnoti – dolje ispod)*“¹⁶.

Neke zapuštene i nemarne žene čuju upustva majke vjernika Aiša r.a o ukrašavanju svojim muževima i neka znaju da njihovo ukrašavanje treba u prvom redu biti njihovim muževima, a ne njihovim družbenicima, čeljadi i drugaricama. Nek znaju nemarne žene i one koje se ne kite svoji muževima, da su griješnice, jer nisu ispunile jednu od svojih velikih obaveza. Ova njihova nemarnost može biti uzrok odbojnosti njihovih muževa prema njima i uzrok njihovog zagledanja u druge žene. Žena koju njen muž vidi raščupane i neuredne kose, žutog i blijedog lica, pohabane i bijedne odjeće, ona je, doista, glupa, nerazborita i neposlušna supruga, jer joj ni najmanje ne pomaže to što se nakiti kada joj dolaze gosti, ili kada ide na neku proslavu na kojoj se iskupljaju žene, a većinom ne mari za svoj izgled niti se ukrašava svome mužu. Smatram da je žena muslimanka, koja je obasjana uputom svoje vjere, spašena od ovog nedostatka jer je poslušna svome mužu, a poslušnost mužu i uskraćivanje njegovog prava ne mogu se naći zajedno u srcu mudre, razborite i omiljene žene muslimanke. Vjera upućuje ženu da se nakiti i uljepša svome mužu, kako bi on kod nje vidio samo ono što voli. Vjera zabranjuje da se pojavljuje u tamnoj odjeći, odjeći žalosti, duže od tri dana, osim kada žali za svojim mužem. Dozvoljeno joj je da nosi odjeću žalosti za njim četiri mjeseca i deset dana. Potvrdu tome nalazimo u hadisu koji bilježi Buharija od Zejnebe bint Ummu Selleme koja je rekla: „Ušla sam kod Zejnebe bint Džahš, Vjerovjesnikove s.a.v.s žene, nakon što joj je umro brat, pa je zatražila miris, te se namirisala, a zatim rekla: Nemam nikakve potrebe za mirisom, osim što sam čula Allahovog Poslanika s.a.v.s, gdje sa minbera rekao: 'Ženi koja vjeruje u Allaha i Sudnji dan nije dozvoljeno da žali duže od tri noći,

¹⁵ (Akamun - nisai), Ibn Dževzi, str. 343

¹⁶ Upitala je o depilaciji, pa joj je odgovorila: „Ako imaš muža i u mogućnosti si da... ...išćupaš svoje obrve kako bi ih uljepšala, onda to učini. (Akamun - nisai), Ibn Dževzi, str. 343 - NAPOMENA: ZNAMO da depiliranje je dozvoljeno ženi sve (čitavo tijelo) osim OBRVA, dok autor teksta navodi da se čupaju obrve a to nije ispravno. A ovaj tekst je postavljan da djeluje mitivirajuće na sestre da se uređuju svojim muževima i ostatak teksta ako Bog da je ispravan. Napomena – Ummu Harun J.

osim za mužem, kada joj je dozvoljeno da žali četiri mjeseca i deset dana'.¹⁷

¹⁷ (Fethul – bari, 9/484, knjiga Et – Talaku, poglavlje 'Ihdadul – muteveffa 'anha zevdžuha.)

DA ROB SPOZNA SVOJU VJERU – ISLAM

Izvor:

Preuzeto iz knjige: Tri osnovna načela

Pisac: Muhammed b. Abdulvehab

Godina izdavanja: 1430 hidžretska

Izdavač: Povjereništvo za publikacije i naučna istraživanja

Ministarstvo islamskih pitanja,

Vakufa, djelovanja i usmjeravanja



Stubovi islama / islamski šarti:



kelime i
šehadet

obavljanje
namaza

post u
ramazanu

davanje
zekata

odlazak
na hadž



SVJETLOST ZNANJA

Islam znači predati se Jedinome Allah

Islam znači predati se Jedinome Allahu iskazujući mu jednoću (tevhid) i povinovati Mu se poslušnošću, zatim odreći se širka i njegovi nosilaca.

On se sastoji iz tri stepena: islam, iman i ihsan. Svaki od ova tri stepena imaju ruknove.

ISLAM

Ima pet ruknova islama:

1. Svjedočenje da nema drugog boga osim Allaha i da je Muhammed s.a.v.s Allahov Poslanik (*La ilahe illellah Muhammedun resulullah*)
2. Obavljanje namaza
3. Davanje zekata,
4. Post ramazana,
5. I obavljanje hadža.

Dokaz utemeljenja *šehadeta* je kur'anski ajet:

Allah svjedoči da nema drugog boga osim Njega, a i meleki i učeni ljudi, postupajući pravedno. Nema boga osim Njega, Silnog i Mudrog.¹⁸

Značenje ovoga ajeta je da niko nema pravo i ne zaslužuje da bude obožavan osim Allaha.

Riječ **nema boga**, negira sve ono što se obožava umjesto Njega. A riječ **osim Allaha** su potvrda da je jedino Allah dostojan da Mu se robuje. On nema sudruga u obožavanju, kao što nema sudruga u vlasti.

Ovaj ajet pojašnjava riječi Uzvišenog Allaha:

A kada Ibrahim reče ocu svome i narodu svome "Nemam ja ništa s onim što vi obožavate, ja obožavam samo Onoga Koji me je stvorio, jer će me On, doista, na pravi put uputiti" - on to učiniti trajnim za potomstvo svoje, da bi se dozvali,"¹⁹

I Njegove riječi:

Reci: "O sljedbenici knjige, dodite da se okupimo oko jedne riječi nama i vama zajedničke; da nikoga osim Allaha ne obožavamo, da nikoga Njemu ravnim ne smatramo i da jedni druge, pored Allaha, bogovima ne držimo!, pa ako ne pristanu, vi recite: Budite svjedoci da smo mi muslimani!"²⁰

Dokaz za *svjedočenje da je Muhammed Allahov Poslanik* su ove Allahove riječi:

Došao vam je poslanik, i jedan od vas, teško mu je što ćete na muke udariti, jedva čeka da pravim putem pođete, a prema vjernicima je blag i milostiv.²¹

Značenje *šehadeta* koji potvrđuje da je Muhammed Allahov Poslanik jeste: pokornost njemu u onome što naredi i smatranje istinitim ono što kaže, izbjegavanje onoga što zabrani i na što upozori, te obožavanje Allaha onako kako je on to propisao.

Dokaz za *namaz, zekat* i tumačenje Allahove jednoće su Allahove riječi:

¹⁸ Sura Ali Imran, 18

¹⁹ Sura Zuhruf, 26 – 28

²⁰ Sura Ali Imran 64

²¹ Sura At - Tewba 128

A naredeno im je da samo Allaha obožavaju, da mu iskreno, kao pravovjerni, vjeru ispovjedaju, i da molitvu (namaz) obavljaju, i da zekat udjeljuju; a to je ispravna vjera.²²

Dokaz za *post* su riječi Uzvišenog Allaha:

O vjernici, propisuje vam se post, kao što je propisan onima prije vas, da biste se grijeha klonili,²³

Dokaz za *hadždž* su ove Allahove riječi:

Hodočastiti Kabu dužan je, Allaha radi, svaki onaj koji je u mogućnosti; a onaj koji neće da vjeruje – pa, zaista, Allah, nije ovisan ni o kome.²⁴

²² Sura El – Bejjina, 5.

²³ Sura Al – ekarqare 183

²⁴ Sura Ali Imran 97

IMAN – VJEROVANJE

Izvor:

Preuzeto iz knjige: Tri osnovna načela

Pisac: Muhammed b. Abdulvehab

Godina izdavanja: 1430 hidžretska

Izdavač: Povjereništvo za publikacije i naučna istraživanja

Ministarstvo islamskih pitanja,

Vakufa, djelovanja i usmjeravanja



iman - vjerovanje

Drugi stepen je **iman**. On se sastoji iz sedamdeset i nekoliko dijelova. Najveći su riječi “*La ilahe illellah*” a najniži je uklanjanje smetnje sa puta, a stid je dio imana (vjerovanja).

Iman se sastoji iz šest glavnih dijelova (ruknova):

1. Vjerovanje u Allaha,
2. I Njegove meleke,
3. I Njegove knjige,
4. I Njegove poslanike,
5. I u Sudnji dan,
6. I da vjeruješ u određenje (kader), bilo dobro ili loše po tebe.

Dokaz za ova četiri rukna su riječi Uzvišenog Allaha:

Nije čestitost u tome da okrećete lica svoja prema istoku i Zapadu; čestiti su oni koji vjeruju u Allaha, i u onaj svijet, i u meleke i u knjige, i u vjerovjesnike...²⁵

Dokaz za vjerovanje u *predodređenost* (kader) jesu ove Allahove riječi:

Mi sve sa odredbom stvaramo.²⁶

²⁵ Sura Beqare 177

²⁶ Sura Qamer 49

IHSAN – NAJVIŠI STUPANJ VJERE

Izvor:

Preuzeto iz knjige: Tri osnovna načela

Pisac: Muhammed b. Abdulvehab

Godina izdavanja: 1430 hidžretska

Izdavač: Povjereništvo za publikacije i naučna istraživanja

Ministarstvo islamskih pitanja,

Vakufa, djelovanja i usmjeravanja



Ihsan je da robuješ Allahu kao da Ga vidiš jer ako Ga ne vidiš On tebe sigurno vidi

Treći stepen je **ihsan**. On se sastoji od glavnog dijela (rukna), a to je da robuješ Allahu kao da ga vidiš, jer ako ti Njega ne vidiš on tebe vidi.

Dokaz za ovakvu tvrdnju su riječi Uzvišenog Allaha:

Allah je zaista na strani onih koji se Allaha boje i grijeha klone i koji dobra djela čine²⁷

i Njegove riječi:

I pouzdaj se u Silnog i Milostivog, Koji te vidi kad ustaneš da sa ostalim namaz obaviš, jer On, doista, sve čuje i sve zna²⁸

²⁷ Sura An- Nahl 148

²⁸ Sura Eš – Šuara, 217 – 220

Što god ti važno činio, i što god iz Kur'ana kazivao, i kakav god vi posao radili, Mi nad vama bdijemo dok god se time zanimete...²⁹

Dokaz iz sunneta je poznati hadis o Džabiru r.a koji prenosi Omer r.a *Jednog dana sjedismo kod Allahovog Poslanika s.a.v.s kada se pojavi prema nama čovjek u sasvim bijelom odjelu, sasvim crne kose, ne vidi se na njemu trag putovanja i ne poznaje ga niko od nas. Sjeo je do Allahovog Poslanika s.a.v.s i prislonio svoja koljena uz njegova, a svoje ruke stavio na njegova stegna i rekao:*

Muhammede, izvijesti me šta je islam!

Reče Allahov Poslanik: **“Islam je da svjedočiš da nema boga osim Allaha i da je Muhammed s.a.v.s Allahov Poslanik; da obavljaš namaz, da daješ zekat, da postiš ramazan, i da hadž činiš, ako si u mogućnosti”.**

“Kaže Omer: *Mi mu se začudismo, pita ga, a onda mu kaže: “Istinu govoriš”*

Zatim reče čovjek: **“Izvijesti me šta je iman”**

Reče Allahov Poslanik s.a.v.s: **“Iman je da vjeruješ u Allaha, Njegove meleke, Njegove knjige (kitabe), Njegove poslanike, u Sudnji (zadnji) dan, i u određenje (sudbinu) dobra i zla.”**

Nepoznati čovjek reče: **“Istinu govoriš. Izvijesti me i o tome šta je ihsan.”**

Reče Allahov Poslanik: **“Ihsan je da robuješ Allahu kao da Ga vidiš, jer ako Ga ne vidiš, On tebe sigurno vidi.”**

“Istinu govoriš”, reče nepoznato čovjek, a potom kaza: **“Izvijesti me kada je zadnji čas (ovom svijetu).”**

Reče Allahov Poslanik: **“Onaj koga pitaš o zadnjem času ne zna o tome više od onoga koji pita.”**

Reče nepoznati čovjek: **“Izvijesti me o predznacima zadnjeg časa.”**

Reče Allahov Poslanik: **“Predznaci sudnjeg časa su da robinja rodi svoju gospodaricu i da vidiš gole, bose, siromašne čobane da se nadmeću u gradnji zgrada.”**

Veli Omer: *Zatim ode nepoznati čovjek, a mi smo tako ostali dugo vremena. Nakon toga reče mi Allahov Poslanik: Omere, znaš li ti ono-*

²⁹ Sura Junus 61

*ga što me zapitkivao? Ja rekoḥ: Allah i Allahov Poslanik najbolje znaju, onda reče Allahov Poslanik: **Ovo je Džibril, došao vam je da vas poduči vašoj vjeri**”.*

DJELA SE CIJENE PREMA NAMJERI (NIJJETU)

Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu



Prenosi se od vladara pravovjernih, Ebu Hafsa Omera sina Hattaba ibn Nufejla ibn Abdul'uzza ibn Rijaha ibn Abdullaha ibn Kurta ibn Rezaha ibn Adijja ibn Ka'ba ibn Luejja in Galiba el – Kurejšija el – Adevija r.a da je rekao: Čuo sam Allahovog Poslanika sallallahu alejhi ve selleme, kada je kazao: **Zaista se djela cijene prema namjerama i zaista će svaki čovjek dobiti ono što je naumio svojim djelom, pa ko bude hidžru učinio u ime Allaha i Njegova Poslanika, njegova je hidžra Allahu i Poslaniku; a ko bude hidžru učinio zbog materijalne dobiti, ili zbog žene da bi se njome oženio, njegova hidžra je za ono za šta ju je naumio.**

(Muteffekun alejhi)

Broj hadisa u Rijadu-s-salihin 1.

DŽAMIJI AL - AKSA PRIJETI URUŠAVANJE ZBOG TUNELA KOJE KOPAJU JEVREJI

Izvor:

Preuzeto iz knjige: Islamski informativni časopis El-Asr, broj:49

Pisac: –


Godina izdavanja: Juni/August 2012 / 1433 H.G

Izdavač: Stichting Hidžra

Vergtweg 13,

5301 TA Zaltbommel

Nederland



Na slici prava džamija Mesdžidu al Aksa i lažna džamija Al-Aksa koje se nalaze u neposrednoj blizini od nekoliko metara. u medijima se obično prikazuje lažna Al - Aksa sa zlatnom kupolom dok pravoj Al-Aksa prijete urušavanje. Slika je crno -bijela nam se da ćete svatiti na ispravan način.

Jevrejski arheolozi ispod džamije Al-Aksa iskopali su 1,5 km tunela, usljed čega ovom svetom mjestu prijete urušavanje. Hanna Issa tvrdi da

su ispod Al-Akse desetine šupljina visine dva metra. “Zbog arheoloških iskopina, koje pod izgovorom traganja za Solomonovim hramom provode jevreji, otvoreni tuneli ispod džamije Al-Aksa dostigli su dužinu od jednog i po kilometra i Al-Aksa je, nažalost, suočena s opasnošću urušavanja. Štaviše, svakog trenutka se može urušiti”, izjavio je Hanna Issa, predsjednik Komisije za zaštitu kršćanskih i muslimanskih svetih mjesta u Jerusalemu pri Palestinskoj oslobodilačkoj organizaciji. Južno od džamije Al-Aksa, u Silvanu, koji se spominje i pod imenom “Grad kralja Davida”, iskopan je novi, 600 metara dug tunel. U izjavi koju je u centrali Komisije za zaštitu kršćanskih i muslimanskih svetih mjesta u Jerusalemu dao novinaru turske novinske Anadolu agencije, Hanna Issa je naglasio da je Al-Aksa suočena s opasnošću totalnog urušavanja, da su ispod tog svetog mjesta na sedam različitih tačaka jevreji do danas iskopali tunele dužine 1,5 km, te da se tuneli kopaju još od 1967. godine. Iskopavanja su, prema riječima Issae, u posljednjih deset godina dostigla nevjerovatan intenzitet. “Podnožje Al-Akse je sasvim šuplje. Tu su desetine duplji visine dva metra i zbog toga se Al-Aksa svakog trena može urušiti.” Hanna je, osim toga, skrenuo pažnju i na novi tunel od 600 metara, koji je iskopan južno od Al-Akse, u Silvanu, koji se spominje i pod imenom “Grad kralja Davida”. “Jevrejski arheolozi već godinama tragaju za Solomonovim hramom, ali do danas nisu uspjeli doći do bilo kakvog traga. Ne mogu ni doći, jer takvo što i ne postoji”, kazao je Hanna Issa. Issa je pozvao međunarodnu zajednicu da izvrši pritisak na Izrael i zaustavi iskopavanja. “Izrael ide ka fatalnim greškama koje će biti nemoguće popraviti i to stvara krajnje veliku uznemirenost među kršćanskim i muslimanskim Arapima”, naglasio je Issa u svojoj izjavi koju su prenijeli bezmalo svi turski mediji. Predsjednik Komisije za zaštitu kršćanskih i muslimanskih svetih mjesta u Jerusalemu upozorio je i na demografsku strukturu Jerusalema, koja se konstantno mijenja u korist jevrejske populacije. “Trenutnu populaciju Jerusalema čini 33,8 % muslimana, 63,1 % Jevreja, 1,9 % kršćana i 1,2 % ostalih. Broj muslimanskog i kršćanskog stanovništva u posljednjih deset godina bilježi ozbiljno nazadovanje, a to sve zbog užasnih i nepojmljivih represija koje provodi Izrael”, kazao je dr. Issa, pozivajući se na posljednje pokazatelje kojima raspolaže Izrael. Hanna Issa je diplomata koji je dugo godina obavljao odgovornu funkciju šefa ureda Palestinske oslobodilačke organizacije u Moskvi.

(Izvor: Al Jazeera)

MUŠKARCIMA JE ZABRANJENO ZLATO I SVILA A ŽENAMA DOZVOLJENO

Izvor:

Preuzeto iz knjige: Izbor hadisa iz djela Rijadu-s-salihun

Pisac: Jahja ibn Šeref en Nevevi

,Godina izdavanja: 2001-1422 h.g, Sarajevo

*Izdavač: Visoki saudijski komitet za pomoć BiH i kulturni centar „Kralj
Fahd“ u Sarajevu*



na slici zlatni nakit

Ebu Musa el Eš'ari r.a prenosi da je Resulullah sallallahu alejhi ve sel-
leme rekao: **svilena odjeća i zlato su zabranjeni (haram)**
muškarcima moga ummeta, a dozvoljeni ženama.

(Tirmizi , hasen, sahih)

Broj hadisa u Rijadu-s-salihinu 808.

NAJTEŽI NAMAZI LICIMJERIMA SU SABAH I JACIJU (NE KLANJAJU)


Izvor:

Preuzeto iz knjige: Izbor hadisa iz djela Rijadu-s-salihin

Pisac: Jahja ibn Šeref en Nevevi

Godina izdavanja: 2001-1422 h.g, Sarajevo

Izdavač: Visoki saudijski komitet za pomoć BiH i kulturni centar „Kralj Fahd“ u Sarajevu



Čudim se MUSLIMANU koji će sutra prespavati sabah, a ustati na posao tačno na vrijeme. Otišao je po svoju nafaku, a zaboravio OPSKRBITELJA..

Ebu Hurejre r.a pripovjeda da je Allahov Poslanik s.a.v.s rekao: **Nema težeg namaza munaficima (licimjerima) od sabaha i jacije, a kada bi znali šta je u njima, dolazili bi da obave ta dva namaza, pa makar pužeći.**

(Muttefekun alejhi) tj. (Buhari i Muslim)

Broj hadisa u Rijadu-s-salihin 1073.

LITERATURA:

(knjige)

Literatura koja je korištena:

1. Preuzeto iz knjige: Islamski informativni časopis El-Asr, broj:-
Pisac: -
Godina izdavanja: -
Izdavač: Stichting Hidžra
Vergtweg 13,
5301 TA Zaltbommel
Nederland
2. Preuzeto iz knjige: pravne decizije, Fetve, pitanja i odgovori
Pisac: Mr. Safet Kuduzović
Godina izdavanja: 2009 – 1430 Sarajevo
Izdavač: Autor u saradnji sa džematom hidžra u Holandiji
3. Preuzeto iz knjige: Pripovjetke
Pisac: Zija Dizdarević
Godina izdavanja: 1948, Sarajevo
Izdavač: Svjetlost
4. Preuzeto iz knjige: Izbor hadisa iz djela Rijadu-s-salihin
Pisac: Jahja ibn Šeref en Nevevi
Godina izdavanja: 2001-1422 h.g, Sarajevo
Izdavač: Visoki saudijski komitet za pomoć BiH i
kulturni centar „Kralj Fahd“ u Sarajevu
5. Preuzeto iz knjige: ČIŠĆENJE DUŠE prema prvim izvorima
Pisac: Ahmad Farid
Godina izdavanja: 2005/1426 H.
Izdavač: Libris
6. Preuzeto iz knjige: Ličnost žene muslimanke
Pisac: dr. Muhammed Ali el – Hašimi
Godina izdavanja: 2001 – 1422 H.G
Izdavač: Sva prava štampanja i izdavanja zadržava
Visoki saudijski komitet za pomoć BiH
i Kulturni centar „Kralj fahd“ u Sarajevu

7. Preuzeto iz knjige: Tri osnovna načela
Pisac: Muhammed b. Abdulvehab
Godina izdavanja: 1430 hidžretska
Izdavač: Povjereništvo za publikacije i naučna istraživanja
Ministarstvo islamskih pitanja,
Vakufa, djelovanja i usmjeravanja